



Principal's
Message

BANGHANG PATHIAN THU SIN NGAI HIAM!

THUMASA: Bible, Pathian Laisiangthou, khovel tangthu a lai-bu lamdang pen leh thutak thil tengteng siamtu Pathian khat om chih hon hilhtu ahi. Huailak a poimawh pen Bible Pathian thu ahi. Pathian lungsim leh mihingte a ding a a deihdan gelhna laibu ahi. Thugenna ding lel a sim leh sin ding hilou in hinkhua a zuih ding leh piitu ding a piak ahi. Hiai Bible piak a i omna san uh ahi. Apostle Paul in, "Laisiangthou peuhmah Pathian hatkhum a piak...thuhilhna ding, taihilhna ding, bawlhohina ding, diktatna lam a kichilna ding in a phatuam hi." a chi hi (2 Tim 3.16). Mite'n banghang a haksak tak a leh gim leh tawl toh Bible sin uhiam chih a dawnna hiaite ahi:

I. PATHIAN THU THUDIK AHI (Pau 30.5-6):

Pathian thu a dika, mihing hinna toh kisai in diklou omlou leh bukim ahi. Toupa thu thehsak thudik mai hilou in a diklou omlou chihna ahi. David in, "Toupa dan a hoihkim a, hinna a halhsak hi; Toupa thu thehsak a muanhuai a, mi mawl a pilsak hi. Toupa thuzohna a dik a, lungtang a kipaksak nak hi: Toupa thupiak a siangthou a, mitte ahihvak nak hi; Toupa laudansiam a siang a, tangtawn a ding in a om hi: Toupa vaihawmnate a tak a, a kizen kimvel vek ahi. Huaite dangkaeng sang in a deihsuaw zaw ahi;... khuaisu leh khuaihak sang in leng a khum zaw ahi" a chi hial hi (Ps 19.7-10). Pathian thu, Pathian thu ahihman in thildang hel ken. Deihkai in a genlouhi gensak ke'n.

II. PATHIAN THU BUKIM AHI (Rev. 22.18-19):

Bible, Pathian Laisiangthou bukimta ahihman in bung leh tang behlap theih ahihei hi. Bible bukim piak i hita uhi. Sinsaktu taklou mimal leh pawlpin Bible Genesis-Kilakna, bu 66 kia hilou in laibu tuamtuan leh min tuamtuan phuahbeh mahle uh

thounawn Jesu'n, "Hiai laibu a genkhohlna thute za peuh kiang ah ka theisak hi: Mi kuapeuh in hiai thute a behlap leh, Pathian in amau tung ah hiai laibu a kigelh gawtnate a behlap ding hi: Huan kuapeuh in hiai genkhohlna laibu a thute lakmang a neih leh, Pathian in a tan ding hiai laibu a kigelh, hinna sing leh khopi siangthou a kipan a lamang ding hi" chi in (Kil 22.18-19). Apocryphal laibute ban ah 'Sacred writings' kichi Jesu tungtang genna laibute Bible behlapna leh in khalam an a hihnin (adulteration) ahi. Na Bible zat pilvang in.

III. PATHIAN THU THU- NEIHNA SANGPEN AHI (Ps.

119.89): Sam laibu in, "Toupa aw, tangtawn a ding in na thu van ah kiptak in a om hi." Laisiangthou, Pathian thu mi tuamtuan 40 vel in, "amau a Khrist kha in a thehsak bang in a gelh uh" Peter in a chi hi (1 Pet 1.11; 2 Pet 2.20-21). Hiai Pathian thu Pathian a kipan thuneihna nei omsun ahi. Hiai Pathian thuneihna Jesu Khrist sikha nang leh kei a ding a piak ahi. Hun nuam leh haksak ah 'Pathian in hon houpih' na chih chiang in,

CONTD. ON PAGE 02

Editorial

Toupa hoih mahmah ahihmanin, kum 2017 Fall Semester buaina bangmah omlou kia hilouin, kithalawptak leh phurtak a pattheih in a om hi. Gamla leh nai apan student a thak leh alui hongtung siausi-auten kuapeuh kithalawp sak hi. Kum danga Spring semester kipattunga leng student thak kila himahleh tukum in huai kitawpsan hi. Himahleh huai ziaka student tawmtuanlou in, tutung applicant 80 omte lakah 75 lak in om uh a, tuin GBC a student om tengteng 177 pha hi.

Nilaini, July 26, in Fall Semester honkhiakna program om a, huaiah EBC General Secretary Rev. S. Vungminthang in semtu heutute leh naupangte hasotna leh thuhilhna manphatak honnei hi. Tuazohin Orientation oma, department tuamtuan a heututen, student thakte kiangah hiai GBC paidan, hihding leh hihloun ding a tuamtuanle hihl uhi.

July 27-28, Ningani leh sintawpni in kihihhalhtakna, heutute leh sintute a ding om a, huaiah, Imphal District Superintendent Rev. Kamchinkhup in 4 vei thugenna hun hongzanga, heutute hi in sintute hileh tha kiangah petmah hi.

August 1st, Sepnawnni in Class kipanpah charchar hi. Himahleh August 2 pen Lamka khopi sung Total shutdown a om manin khawl hongkul a, 2nd in tha-ittak in kisunzom nawnpah char char hi.

September 27, 28 leh 29 kumsim kimawlina hun hi a, huaipen Annual Sports Day kichi hi. Laisiamna, Pathian nasepna dingin taksa chidam poimoh ahihdan phawktakna leng Chihlak petmah leh hahpan mahmah in sintute leh sinsaktute pangzel uhi. A nitawpni kimawltawpna Volley Ball kimawl ahi. Vuah tampi hongzu, tawp maww theih hilou, kimawl thouthou, kitotah teptep uh, a tawpsawm omtuanlou, vuah inleng tawp sawmlou, kimawltan leng tawpsawm tuantou tuh thupi petmah himai hi.

Seppatni October 2nd, Gandhi Jayanti (Gandhi Pianni) India gamsung pumpi a office tengteng, Kumpi a, Saptuam aq, NGO tengteng kikhak vek sipsip ni sunnitum hiai kimawl hunsunga vualtungtuanna tangte kipahman hawmna hun nuamtakin kizang a, a nuilou, a kipaklou kuamah omlou hi. Nitak ankuang sawkkhamna, heutute, sintute leh kuapeuhmah in kinekhawm a, nuam kisa mahmah chiat hi.

Tutung i Link uah Heutupa deihtak Rev. Dr. M. Khamkhanchin thupi poimoh mahmah, Biakna pi ding dan, banah Heutunu Ngaivung in a gelh Kristian galvan bukim, huan kumnawn a ding Academich Calendar leh a poimoh mahmah report tuamtuanle leh Lamjoylian akipan Setan vanzat a pankhak theih ahihdan, banah Lalpu Guite testimoniyte ahongtel hi. A simkha peuh adia vualzawlina manphatak ahih ngei i lamen.

Kipahhuaitakin, tukum 2017 a Evangelical Baptist Convention in Pastor 5 a lakthakna ah Grace Bible College a semle 2 tellha hi, amaute Heutupa Paukhankhup leh Heutupa Suankhanhau ahi uh. Amaute nakpitakin i kipahpih hi. Thamlou in a adang 3te leng GBC Graduate vek ahi uhi. Genlaile hang, tulel a EBC a semtu, Pastor, DS leh FS banah Dorcas Hall a heutu a tamzaw GBC Graduate ahih ziakin leng ikipak petmah hi. Saptuam, khotang leh inkuan chidamzaw, masawn, Pathian deihdan semkha zawsem i honghihna dingun hiai i heutute tengteng Pathianin hon zatsak semsem na dingin thum chiat ni.

Hiai GBC Link simtu tengteng na vekun a manpha mahmah Kristmas leh a gahsuah petmah kumthak deihsakna lianpi ka hon khak uhi.

-Rev. Dr. Luaichinthang, Editor ●●●

Testimony LALPU GUITE



I Toupa leh Hondampa Jesu Khrist min in na vek un itna chibai ka hon buk hi.

Ka min Lalpu Guite ahi, Assam a EBC mission Field Karbi Anglong Manja khua a hong kipan ka hi. Tulel in M.Div Final year ka zillel hi. Testimony gelh thei dia hunhoih hon pia I Toupa min kaphat a, huai chiah GBC a ka heutute tengteng tung ah leng kipathu ka gen hi.

KA HINKHUA MASA LAM:

Pian ken a pat lawmte phakzoh loughna tampi kana nei a, huaijiak mah in lawmte' simmoh leh nuihsan leh engbawl in hunte kana zang a, tuate zia in kingaihsiatna lianpi kanei hi. Himahleh kapa toh kanu'n ka kingaihsiat nate hon theihpih ua huchin jingkal baihtak in biakin a hon tonpih jel ua Pathian kia'h thupha hon nget sak jel uhi, Ka nu toh ka pa'n zing leh nitak in kei di'n thupha hon nget sak zel kia hi lou in ka pa'n Sunday teng a an-ngawl thumna toh kei di'n thupha hon nget sak gige hi. Toupa'n ka nu toh ka pa thumna hon don sak jiak in Toupa min ka phat hi.

DAMSUNG A KA THILTUP:

Damsung a ka thiltup lianpen a hihleh PATHIAN NA SEP LOUH DI chih ahi. Aziak kanau (L) Hatneihsiam ka it mahmah a hon lak sak zia ahi; ban ah, missionary hinkhua pen gentheihna hinkhua in ka ngai hi. Ka nau chauh ahi kei hon theisiam leh ka lawm hoihpem, zing thou-khawm ne-khawm dawn-khawm leh giak-khawm a amah toh ka om nakleh midang poimoh lou ka hi. Ka nu leh ka pa sang a le ngaizaw ka hi. Himahleh, damlou in hon beisan hi. Kum khat zoh in ka pa toh damdawiin a kien-sak di'n ka pai uhi, ka pa kia'h, Pa bang dia ka nau damdawiin a pilou na hia? Pi le chin jo kanau si lou di hia ka chih leh, ka pa'n mittui luang kom in ki gentheih lua a ahi chiin ahon dawng hi. Huai hun in ka damsung Pathian nna kasem kei di chin thupukna ka na la hi.

KA HINKHUA AH KHRIST:

Missionary insung apan khangkhia nulehpa ten niteng a Path-

ian thu a hon vak jiak un vangam kai din ka ki koih gige a hotdamna lam him him ka ngaih sak kei hi. Himahleh kum 2013 July kha in lawm hoihloute toh kana kithuah kha a amau heu in mihing hinna la din Airport ah ka lut ua huchiin ka mi thah di pa ka muh tak in ka hehpih tha hong suak a huchin Pastor Elvis Nehlal la sak (Nungle ma hinkho) ka lungsim in honglang a gamsa bang a hinkhua jang kei ve maw chih ka hongkiphawk a, tumahmah in si leng koi lam ka pai dia chih lauh na kahon nei ta hi. Huchiin tua mipa poi khoih lou in Airpot kanuseta hi. Inn ka tun in Pathian kiangah ngaihdam kangen a, hilele sih khamuanna ka nei kei hi. Huchi in August 13, 2013 nitak dak 7 vel in Rev. Kamchinkhup tungtawn in Jesu tuh keimah mimal Toupa leh hondampa din kana sang ta hi. Tua hotdamna ka tan nungin khamuang tak leh lungdam tak in ka om hi. Huai ni a lungmuanna ka neih pen tuni dong in kanei gige lai hi.

BANG IN LAISIANGTHOU HON SINSAK

Ka pianthak nung kipak mahmah ka kichih lai in ka in sung ua hotdamna tang nai lou minih a om ua tua ten ka hinkhua hon khoih kha mah mah hi. Huchi in Pathian thu ka theih khamkhamte ka gen a himahleh ka thugen kuaman a ngai kei hi. Huchi in hotdamna atan uh deihsak mah mah kahih jiakin Lai-siangthou sin din kong kisa hi. 2015 spring semester in GBC ah kalut a vacation hun in family ministry kapan ngal hi. Huchiin 2016 kum tawp lamin Pathian hehpihna tangin ka u Pasal pen in Jesu a lal leh Hondampa din hon sang hi. 2017 June kha in ka u numei pen inle Jesu a lal leh hondampa din ahon sang nawn hi. Toupan ka u tegel hotdamna huang sunga hon pilut sak ziakin Amah min kaphat hi.

SAPNA KA NGAH DAN

16 March 2017 nitak dak 9 vel in ka u numei pen damjou nawn-lou di chih thu ka jak in ka lungsim a na mahmah a, huchin Jelsyam Chapel ah khitui toh Toupa kiang a kongthum ta hi. Huchi in jan dak 12 vel in la (It na sisan luang in) tungtawn in Toupa houpah na katang a huai tuh, Mihing ka siam a pat gawtmun lut bangzah na thei a? Nang hiai na u numei khat got mun a lut di hichitel a na kah leh Na Pathian bang jah vei Ka kap dia, chih houpahna ka jak tak in ka lungsim nakpi in ahong kikhek a, Eimah ve, Toupa, ken ka u ka it sang in nang na it jaw chi in Amah khut ah ka koih ta hi. Huchin "Toupa kei khamangthang zong din ka kuan khe ding" chi in ka na ki lan ta hi. Kipak. ●●●

Principal's
Message

gelhkhia inla, na Bible phen inla, mun bangzah ah hiai bang thu kigelh hiam chih velchian masa in. Huchi in Pathian houpahna leh nangmah lungsim a suak na khenthei ding hi. I poimawhte Bible a kimta ahihman in Pahian in Laisiangthou tawn a hon houpah ahi.

IV. PATHIAN THU TUNGKIM DING HI (Isaiah 55:11): Zawlni Isai tawn in Toupa'n, "Ka kam a kipan ka thupawt a om ding: bangmah hih neilou in ka kiang ah a kiknawn kei ding a, ka deihsak bang a hihzou zaw ding a, thilhih ding a ka sawlna ah leng a lohching ding" a chi hi. Pathian a thuchiam a muanhuai ahi a, a gen peuh tangtung ahi. Jesu pianna, sihna, thohnawna leh vankahna a tunkim leh a misianguh lakna, kipahman hawmna, Khrist toh kitenna leh Pathian Tangtawn kumpi gam, ataktak a tungkim ding ahi. Huai ding in unau, mansa in om in.

Conclusion: Jesu'n, "Chihtaktak in kon hihl ahi, lei leh van a man masiah danthu a sutvom neuchik hiam, thaivom neuchik hiam, khat leng amang kei hial ding, avek a a tunkim masiah uh a chi hi. (Matt 5.35). Pathian in i hinna a ding in a deihdan a thu honpia hi. "Lei leh van a mang dia, ka thu ahihlele a mang kei ding hi" a chi hi (Matt 24.35; Mk 13.31; Luk 21.33). Pathian thu simtak, sintak, hinpih tak leh sihiph tak thu manpha ahi. Dr. Billy Graham kiang ah, "Kum thum lel hun nei hilechin bang na chi zat dia" chi a a dot lai un, "Kum thum hun nei hileng kum nih Bible ka sin dia, kum khat nasepna in ka zang ding" a chi. Toupa thu mah hoihpem e, khovel sum tengteng sang in. Pathian thu sim in, sin in, zui in, huai ding a piak ahi. Toupa'n simtute hon vualzawl hen. -Rev. V. Khamvum, Principal, GBC ●●●



PATHIAN' GALVAN BUKIM

Miss Grace Ngaihvung, Co-ordinator MTC

Pangthaksa tengteng in melma piltak leh thil hihtheitak, khempuk hontum gigeinei uhi. Piltaka honkhennate in a theisamloute khempuk pahpah hi. Setan in mi akhem Chiang in mimal amahkia a aomlai bang suama, mitamlak ahihchiang in mi thulakdeuhte bang zangsehe hi. Eden huan ah mi khatkia khempuk mahleh huai pukna in mihing tengteng zel-suak hi. Himahleh huai puknatung a zohna neitu Pathian anabel leh Amah diktatna anakoppih Job in bangchituk in khemna anatuak mahleh sihtanpha a muanhuaia om zia- in setan tung ah vualzou hi.

Tulai-in ilak ah Setan hongmaingal lua, ichi uhi. Hiai amah thuneihna khovel ah amaingal louhnadin bangchibang in Piangthaksate i-om ua chih ikivelchet uh kiphamohlua hi a theih-in om hi. Pathian' tapa Jesu Khrist hongpian a Herod zanga thah tum-in lohsam a, himahleh Apa deiham nna seemdia kipatnadia Baptisma atan khitphet-in leh salam a abah laitak-in, Eden huan a azatdan khemna mahtoh vasual hi. Himahleh Toupa Jesu'n Laisiangthoua Thute zang in setan tung ah vualzou hi. Huchibang mah-in setan-in Pathian' tate tunitan khempuk tum-in pan nasatak-in la gige hi. Atupbiikte tuh Pathian' deihsang a hinkhua zatdi tupa neite leh akizang lel-lelte ahi ua, huaiban ah piangthak tengteng leh huaite khempuk theihna dia azat-theih mite ahi uhi.

Huaizak-in piangthak kuapeuh-in puklounadia panlak poimoh hi. Laisiangthou-in, ding a kingaihtuah tuh pilvang hen, huchilou inzaw apuk-khading (1 Kor.10:12) chi hi, Setan vaksawltak banga kibawl ahihman-in (2Kor.11:14). Setan-in ikinaipihthe zang-in khempuk hontum hi (Matt.16:22-23). Setan in khempuk hontup Chiang-in ilunglutna ah honzol masa in huaia kipan honbei hi. Setan a kipan ikivenbit nadi uh, galvan Pathian' honpiak Ephesate 6:14-18 ah hoihtak-in kigelh hi, huaite theichian-in zangchiatle chih ideih mahmah zia- in anuaia genchiannate chiamteh hoihi'di'n ikingen masa hi.

1. Galvan: Kawng-gak=Thutak

Kawng-gak poimohna tuh sepaihte'n kigalgingsa akithop Chiang un a kawng-gak uah temsau, tuitawl leh aloutheiloute vom uhi. Huaite apoimoh hunhuna ahinna uh humbit nadia galdouna a zatpah theithe, baihlamtak-a laktheih nadia koihna vanzat apumpi utoh kisukha a koih vanzat ahi chih ithei hi. Huaibanga ivanzat poimoh leh phatuam tuh THUTAK ahihi. Thutak bang ahia ichihleh – thutak tuh: Atung a THU om, Pathian' kiang a om, Sa hongsuak a eite lak-a hong-om chih ahi hi (Johan 1:1,14). Toupa Jesu'n "Keimah tuh lampi leh thutak leh hinna kah; . . . (Jn.14:6) achi hi. Huai THUTAK poimohna nelhsiah di'n setan in hotdamtate khem gige hi.

Setan in Thutak sang-a zuau thu gingta ding leh thutak kimkhat zanga khovel toh kituak-a omdo leh mahni deihdan leh hoihsak dandan a thilhihdi'n honkhem in honkun gige hi. Hiai khennate a vualzou di'n Thutak a kawng-gak, Thutak toh kikhennloua, ipoimoh bangkim huaia late ihih uh poimoh hi. Thutak nelhsiahte setan in zuaua akhemna hichibang deihsuannate ah pilut hi--hauhsakna, thuneihna, numei-pasal kala thangtatna, kisaktheihna, hazatna, dikloutaka thilhihna leh adangdang khelhnate ah. I ginna siampa leh hihkippa Toupa Jesu toh kichimat gige a omna tuh ikiven nadi leh bitnadi galvan a kithuama omna leh setan tung a vualzohna ahihi.

2. Galvan: Awmphaw=Diktatna (Ephesa 6:14b)

Hiai tuh Diktatna Hinkhua a kithopna genna ahi. Diktatna hinkhua tuh Toupa Jesu a om ahi a, Amah tungtawn a hotdamtate'n aneih uh ahi hi. Hiai diktatna hinkhua a hinnadi'n, Amah lungtanga gintak poimoh masa hi (Romte10:10), Pa Pathian leh A tapa Jesu Khrist I ginna diktatna a seh ahihziak-in (Romte 4:22-24). Johan in "Amah tuh midiktat ahi chih nathei uhi" . . . " kuapeuh diktatna hihlou tuh Pathian a suak ahikei" (1 Jn. 2:29; 3:10b)chihi. Setan in piangthaksate' lungtang tum gige hi, lungtang in lungsim, hinna, kha leh sunglam mihinna chihthe tuunkhawm vek ahinna ah, setan-in diktatna awmphaw nelhsiah di'n honkhem gige hi. Setan thal kuangtheite a kipan hon humbit tuh Amah diktatna ahihziak-in huai awmphaw zangloute'n thil hihkhialsek uhi. Niteng-in diktatlou leh gin-omloun setan in hotdamtate zol gige in lungtanga diktatlouhna ngaihtuahdi leh diktatna huchitel a poimohlou banga ngaihtuah di'n Laisiangthou tanpha zang-in honkheem hi. Toupa Jesu Krist diktatna awmphaw a zangte Laisiangthou-in 'mi diktat bel humpi nelkai bang-in hangsan hi' (pau.28:1a) chihi.

4. Galvan: Lum=GINNA(Eph.6:16) Hiai ah Lemna Tanchinhoih Vanzat Khe a bun a ding a thupiak ihi uhi. Lemna Tanchinhoih Khedap tuh Pathian leh mihingte A tapa Jesu Krist sihna leh

thohnawna tungtawn a 'kilemna thupuan' puanzakna nasep seem dia mansa a omna ahi hi. Toupa Jesu' zia- in, Amah pansan-in Pathian toh kilem in I omta uhi. Huai kilemna Tanchinhoih zanailoute'n azaktheih nadia puangzak dia thupiak honpiak zia- in kalsuan khedia kimansa(khedap bunsu) a om poimoh hi. Pathian in Tanchinhoih kipah-huai tunte khe kilawm sa hi. Himahleh setan-in hiai kalsuandi lamchiteng ah dalteitei tum-in panla gige hi. Hotdamtate' lungtang ah ngaihpomoh louhna chii tuh a, angaipomohthe dalnadi'n insung mite bang, lawmhoithe bang, saptuamte bang zang-in daal hi. Huai-ban-ah khedap bunsu a dingte lungkedi'n khema, alunglutawm nadi thildangte bang-in zol hiam leh akipelhsak theihnadi lampite ah kaikawizel hi. Huchibanga chin-le-ha suang-a panla melmapa douloua I omchi-ah, honsawlp Pathian' thu zuilou-in eimah kibuaipih leh melmapa deihsang-a khosa in, In-om khedapte bun-in nuamtalna chitenga peibuai-in iom uhi. Toupa Jesu'n PATHIAN TOH KILEMA MIHINGTE I OM NADIA VANMUN THUPI LEH A PATHIAN HIHNA NUSIA A MIHING BANGA HONG KIHINEU A SIHNA TAN A AKINGAIHNIAMNA LEH AVUALZOHNA, thu tangkoupihdia honsawl hotdamte'n bangchibang khedap bun iham chih kivelphat hun poimoh hi.

Hiai Ginna tuh Pathian in mikhialte hon iitna zia- a honpiak, A Tapa Jesu Khrist lungtang a gingta a Amah i kumpi leh hondampa dia pomna leh Amah a kingakna ahihi. Setan in hiai ginna leh iginpa gingle di'n leh Amah saanga midangte leh khovel thilte gingtazaw hiam eimah-le-eimah kikhutdot a thupukna bawldi'n honkhem hi. Setan-in Toupa Jesu'n Khros a Atatna nasepdi pumpelhsak teitei tum-in gamdai ah ni 40 sung khem-in khemzoulou hi. Huaiban ah Judate'n Khrist nahihleh chiantak-in honhilh-in achi ua. Jesu'n akiang uah, Ka honhilhta hi, na gingta tuankei uh: . . . chi a adawnleh Pathian gensia, mihing hingala, Pathian'a kibawl chi-in denlup sawm uhi (Jn.10:24-39). Setan panlaknateng lohsam-in, Toupa Jesu'n Pa deihsang bang-in Khros ah tatna mankim pia in Zohna Thu puang hi. Huai Thukipahhuai puangzaktu dia mohpuakna apiak nungzuite, saptuam leh mimalte tunitan-in setan in azauu thu gingtazaw a Khrist zohna thu gingle leh Amah muangzou taktakloudi'n hon khem denlai hi! Hiai khemna a pukloun nadia ikivenbitnadi tuh 'GINNA'ahi a hiai ginna mah ivualzohnadia setan thal kuangthei sukmitna leh Pathian' aa dia sihtanpha a muanhuaia omtheihna ahihi. Ginna in ikha, isapum leh hinna humbit in setan tung ah vualzousak hi. 1Peter 5:8-9 ah 'Pilvang unla limsak un, na melma uh Diabol, . . . anektheih ding zong in vialvakvakh, . . . ging kiptak a om in, amah dou un.' chi a; 1Jn.5(4b) in 'hiai

CONTD. ON NEXT PAGE

SETAN' VANZAT JESU KRIST NUNGZUI NA HI KHA HIAM!!

“setan, ka nung ah om in”

Matthai 16:23; Marka 8:13

Gelhtu: Lamjoylian Mangte

Hiai tang ahihle, amasapen ding a Jesu'n Kalvari khrosa asih ding tungtang; Jeru-salem ah pai-a, zep-le-sat, leh kilhden a aom ding agen takin Peter in ngaingam lou in phallou hi. Huchi'n Jesu'n hiai tang tungtawn in Peter' phallouhna dawng hi.

Jesu leitung ah hong painasan mikhialte khelhna apat hotdam ding tup-le-ngim a aneihlai in Peter in tua lampi ah Jesu pai aphallouhna in Setan' vanzat suaksak hi. Setan nasep tuh Pathian nasep khempueh lohsamsak ding chih ahihman-in, hiai ah Peter in Setan gending agensak ziaik in Setan 'vanzat suak kichithei hi. Tua ahihman-in, Peter bang a, Pathian adia ana pang deuh himahle hang Pathian nasep daltu kihithe ahihman in pilvan huai mahmah hi. Huaiziak-in Paul in "Ginna ah na omna uham noumau mah ki entel un..." (2 Korin 13:5) achi bang in ki-ettel gige poimoh hi.

Peter in Setan gending agenziak a Setan vanzat apang ahi chih ithei a, himahle alouthelou a itheihdia hoish zawk tuh bangziak a Peter pen Setan vanzat suak mawk hiam! Aziak tampi omthei lak ah khat ahihle Peter in alungsim ah Pathian thilte ngaihtuahlou in leitung tan ah bei ding thilte apoimoh ngaihazawk ziaik in ahi. Got Question in hichin ana gen hi, "it happened when we lose sight of God's plan for us. This comes about when our focus is on our careers, our possession, our security, the things of the world rather than upon sacrifices and services and the proclaiming of God's message." Gingtu khat Setan' vanzat ahihziak tuh, Pathian dei bang leh et bang a thilte sem leh enlou a, mahni utna bang a Pathian nasep ziaik ahi sawnsawn ahi. Tua tungtawn a kalsuanna in niteng-hunteng in Setan' vanzat hon hisak hi. Tulai hun in Pathian adia tha-le-zung seng a theitawp suah a sem himahle hinkhiakna apat mite'n "Huai-le Pastor, Bible zil, BYF Committee, Piangthak na inchin..." chi-a agen mi ihihle midangte kiplapai saktu ihi dia, Setan' vanzat kisuak ding hi. Tua mite Peter bang a Toupa' nasep ding daltu hidden uhi. Huaiziak in Unau, nang dinmun bang ahia? Ki entel thakin. Pathian adia na kalsuanna ah Pathian toh kizopna leh kinaihna lunggulh in na nei hia? Huchi ahihkeileh Pathian toh gamla semsem in ki-khen in na om ding a, Jesu'n a muan mahmah Peter kianga agen bang a, "Setan, ka nung ah om in" hon chihkhum ana hi nilouh ding hi. Tua ahihman-in Unau, niteng-hunteng in Pathian toh kizopna thuksak semsem ding dan ngaihtuah in hinkhua zang

ahi khovel tunga vualzohna, I ginna.'chihi. I ginna lum tuh iginpa Pathian aa kinga ahih gidedi ahi. Amah muanhua ina a ikingak chiang-in, lauthawngna, lungkiakna, eimah hiam midangte hiam muanna leh hazatna chihthe-a setan khemna tung ah kivualzoudi hi. Ginna lum zanglou gingtu, vualzou ngeiloudi ahi chih hiai ah imu-chian hi.

5. GALVAN-LUKHU=HOTDAMNA (6:17A)

Hotdamna Lukhu ilakdi tuh Hondampa Jesu Khrist Hinkhua—A lungsim, Philippi-te 2:5-9, a imuhbang ahihi. Hotdamta Khrist batnanein lungsim pu hinkhua neitate setan zuaua khemzoh maimai-in omlou uhi. Lukhu tuh lutang venbit nadia kizang ahi chih ithei ua, bangziak lutang venbit poimoh ahia chihle ithei hi. Huaiziak-in lusung a om khuak tuh pilna leh theihna kingakna ahihbang a hotdamna tuh iginna leh lam-etna kingakna ahihziak-in huaipen setan in tumtinten hi. Setan in piltak-in Pathian' tate amau khuak pilna zangdi bang, Pathian' kamsuak thute gingleldi bang, Pathian' theihakna thusimloudi bang-in honkhem sek a mipil tampite khemzou hi. Setan-in lungsim leh ngaihtuahna sumial in subuai theia tamtakte thutak a pan pikawia paikhialsak in tamtakte theisiamlou hiam ngaihsaklou hiam in omdapsak hi. Huchi-in Pathian toh kizopna bang midangte toh kizopna bang hihtansak-in hinkhua leh ngaihdan kochiktak-in omsak hi. Hotdamtate hiai hotdamna lukhu a kithuamte'n Pathian' hihna leh Athutakte ginglel ngeilou-in bit leh khamuang-in om uhi. Hiai Hotdamna Lukhu zangte'n Toupa Jesu'n sihna a pan avualzohna koppin-in vualzou hinkhua ah Khrist batna nei-in omthei uh a 'Toupa Khrist Jesu a om itna a kipan bangmah-in khentheiloudi chih diktak-in thei uhi. Hiai hotdamna lukhu tuh, hotdamna lametna zong kichi hi, Khrist zohsa hotdamna a kinga a bit leh zohna tangta ihihban ah, maban a ilam-et hotdamna bukim, hihthupi a i-omnadi uapkha ahihziak-in sawtak Pawl in, 1Thes.5:8 ah '... eibel sun a mi ihihziak-in, ginna leh itna lum tawi-in, hotdam lam-etna tuh lukhu a zang-in limsak zawni' chi hi.

6. GALVAN-KHA NAMSOU=PATHIAN THU (6:17B)

Kha Namsau(temsau), Pathian' kam-a genkhia thute/Pathian' Thuhing thilhihtheitak genna ahi hi. Toupa Jesu 'Namsau hiamtuah nei' '... a kam a namsaua dou-di...' (kilakna 2:12,16) chihthe bang ah gen-in om hi. 'Kha' namsau, chih khelkhelna itheihsiam uh poimoh hi, bangziak-in ichihle salam kidouna hiloua setan 'zekhem-nate' dou ihihziak-in. Toupa Jesu tuh 'khasangthou in a dim a', chih Luka 4:1 ah imu hi. Khalam hinna neiloua khuak theihna a theite a din Pathian thu thilhihtheitak-in zathei tuanloudi hi, hinna (thilhihtheihna) petu kha ahihziak-in. Hebrute 4:12, ah 'Pathian thu ahing a thil ahihtheia namsau hiamtuah bangchibang sang-in leng ahi-ama, ...' chih imuhi. Namsau hiamtuah tuh mihingte vanzat hohtak ahingendi chih igingta hi, huchibangmah-in Pathian' thuhing, Kha Siangthou toh pangkhawma izat chiang-in thilhihtheihna thupitak neia bangmah zohlouh neilou hi. Setan-in hotdamtate akhempuk theihnadin lungsim ah chiihoihlou tuh masa hi. Lungsim atop masaknaziaik tuh—lungsim ah sia-le-pha theihna, Pathian theihtheihna, thupukna laktheihna leh adik-atanga hihtheihna omhi. Huaipen hihmialsak leh ginglelsaka, adikzaw sanga adiklouzaw telzawdia thupukna ladin thunun tum tinten hi. Huaia puklouh nadia vanzat poimohpeen PATHIAN THU itheih a Kha Siangthou thilhihtheihna a kinga a izatdi ahihi. Kha Siangthou nasepna pangloua Pathian Thu zatna in Jesu panglou theihna gahsuah sak-in thilhihtheihna neiloua, Khristian vuallel hinkhua ah omdensak hi.

7. GALVAN: THUUMNA LEH NGETNA CHITENGA CHIKLAIPEUH A KHA-A THUUMDI (6:18)

Kha-a Thuumna tuh galvan bukimna ahi a, hiai tuh Pathian kianga kipiakkhiakna/kituklutna leh Amah makaihna a galdouna ahi hi. Thumna in melma mitmuh-in galvante tesak-in melma lau-in lingsak hi. Hiai galvan izat chiang-in Kha Siangthou-in nna seem-in, eilam ah ipoimoh honpia-in kidouna leh Aman hondousak hi. Kha-a thuumna in, eimah a dia galdouna ban ah galpual a omte leh midang tampite' dia doupin leh panlakpihna tan ah honpangsak hi. Hiai Thumna zang mite leh saptuamte Kha Siangthou in vualzohna/vualtunguanna pia in thilbangkim ah lamzang leh masawn in om uhi. Toupa Jesu'n a nungzuite kiang ah 'khemna a nalutlouhna ding un thum un' chi a, sawtak Pawl in 'Thum gige un; tawplou-in thum un' honchi hi. Hotdamtate Kha-a athumna uh tungtawn-in thil-lamdang leh thil-thupi Pathian-in hihsek hi. Thumna chiteng galvan toh ikithop ua mialtunga thuneihna leh lalnate idouchiang un, Pathian' lalgam ah lungmuangtak leh kipaktak-in vualzou hinkhua ah ikhosathe diing ua, Toupa phat leh pahtawi-in kipahna luanglet in Agam leh adiktatna a khawsa-in i om theita di uhi. ●●●

ding in iki ngen ahi.

Jesu'n, Peter kiang ah, "Setan, ka nung ah om in..." chih tungtawn a, ataihilh pen taihilih laklak ah akhahupen hilai ding hi. Jesu'n amelma Pharisa te nangawn huchibang thu khauh in taihilih lou a, "Nou gul suante aw" chih tan a khauh in taihilih lel hi. Tua ahilhai-in, Jesu'n nung-zui laklak ah amuanpen Peter kiang ah bangziak a thukhauh tungtawn a taihilih ahi dia le ichihleh bangdang hilou in a-iit mahmah zia ah hi. "Ken ka it peuhmah ka sal in ka tai zel hi..." (Kilakna 3:19). I iit mahmahte lungtang tei ah sutbang in isuna thei a, tua mahbang in hon iit ten ei lungtang tei sutbang in hon sun thei uh ahi, chih mihing khempeuh te kikal ah adik a, Peter leh Jesu kikal ah dik mahmah ding hi.

Dotna omthei tuh Jesu'n iitna achih bang chi bang iitna ahia? Tua iitna toh igingtu hinkhua zang in kitheihchetna om hia? Na lawm hoi mahmah na chih in na hoihna kia hon gen pih gige ahilhleh adiklou khat om ahi. Tua mahbang in nang midang khelhna mu a ngaihsaklou a omthei na hihleh, na gingtu hinkhua ah abuaihuai khat om ahi. Tua in Setan' vanzat hon suaksak ahi. "Kua-peuh thilhoih hih ding theia, hihlou tuh, amah adingin khelhna ahi." (Jakob 4:17)

Pathian nasem ding a kisa, huai tuh Jesu nungzui dia na kisaklai in, na gei a om na theih mahmah khat khelhna ngaihsaklou a agamla zodeuh a om na theih ngeilouh khat buaina awlmoh zaw a gingtu hinkhua zang na hihleh, alohsam khat na hi. (Jesu paidan ahilhloh zia kin; Nasepte 1:8; Matt. 28:19). Zac Poonen in hichin ana gen hi, "You are responsible for the believers in your church. You can't make them spiritual. But you must do everything to bring them into a living relationship with the Lord. Your goal must be "to present every one of them perfect in Christ" (Colossians 1:28). You can't prevent them from backsliding, but you should have warned them before they do backslide".

Ka thukhitna ding in Setan' vanzat ihilhlohna ding in niteng-hunteng a Pathian toh kinaihsem ding lunggulh a hinkhua I zat ding ahi. Tua hileh, I lungsim a Pathian thilte ngaihtuah in leitung tan a beiding thilte poimoh ngaihzawna om nonlou ding hi. Huchi in hinkhua ah Pathian amasa a ki-koih thei ta ding hi. Tua ban ah, Setan' vanzat ihilhlohna ding in Jesu' iitna bang iitna toh mite khelhna mu a, taisanlou a panpihna piak ding ahi a, imohpuakna ahi hi.

Toupa'n simtu-te hon vualzawl hen. KAKIPAK (19th Sept. 2017) ●●●

BIAKNA PHATNA PI DING DAN (HOW TO LEAD WORSHIP) Some Guidelines

Prepared by Rev. Dr. M.K.Chin

I. KISAKKHAWLNA (PREPARATION):

1.1. Kisakkhawl na hoihtak nei masa in (Be well-prepared in advance):

- Conductor, music team, thumna pitu leh thugentu dingte hunkiningchingtak nei man dia theihsak ding.
- Tan nei teng ki muhkawmna – thu leh la luangkawm- thumkawmna-practice

1.2. A gelthoh order of service neih ding (Have a clear written order of service)

- Order of service a hi bang a zui chiat dia ki sakkhawl ding.
- Strong framework neih ngeingei ding

1.3. Hun zatdik ngeingei ding (Be realistic and disciplined about time)

- Hun zat ah pilvan ding- thilhih khat peuhpeuh in gintak sang in hun tam lazaw sek hi chih theih ding.
- Leader, worship team, leh speaker te'n hunzat didan toh kisai kikap khawm ding.

1.4. A hoih pen leh siangthou pen in kichei in (Be at your best /dress- neat and tidy)

- Limlang zang a mahni ki et lawk a hoih - well-dressed-(button, tie, hair, etc).
- Hiai bang hihloh hang a ngaihkhiaakna tutpah a tute lunglutna hihbuaithi hi.

II. KIKHOPNA PITU:

(LEADER/CONDUCTOR)

2.1 Biakna mun tun bai- with a cheerful face, clear and well-dressed and rested body. Be confident and normal.

2.2. Na tutna ah napoimoh diteng order in lep felsa in koih in.

2.3. Tutdan, dindan, khut koihdan- apoi-mohlou pi khoih khoih etc ah pilvang in.

2.4. Dakkhia masa (eye contact) , nuih-mai-maitai tak a mipite muak.

2.5. Ngaih deuh, chiang tak a genkhiaak ding- repeat important information- e.g. hymn numbers, Bible references, etc.

2.6. Pautam luat ding kiving siam in-slogan or thank you for..." etc.

III. LA PITUTE (WORSHIP TEAM):

3.1. Phatna leh biakpiakna nou khut a om ahih phawk a, Pathian pomtak/zattak dia kipumpiak/ ki ap khiaak masak.

3.2. Pathian zaw Kha a hi a, a bemite'n Kha leh Thutak a biak ding.....

3.3. Mipite zuihtheih dia kipi- la sang lo lou lah niam dualdual lou ...ban ah khuang leh music paikhawm in hileh.

3.4. La tel ah – Pathian Kha in la tungtawn a mite veh sek ahih phawk in- latel leh lasak a tom/ sawt hihtentun louh.

3.5. La a biakna/phatna tungtawn a Pathian houpihna tang ding ,ngaihtuahna Tunglam ah koih a be dia kihanthawn.

3.6. La lui leh la thak te- lungsim khoih thei mah mah te pi bawl leng.

IV. THUMNA PITU (PRAYER LEADER):

4.1. Thumna a theih ding point te list kizom ding dan neih ding

4.2. Pathian nangong lou a hih man in kikou thoh hial kullou, huan mipite zak theih dia thum – AMEN ki chihpih

4.3. Thumna hun thugenna hun bang a zat ding ahi kei.

4.4. Thumding a seh a om te'n vel koikoi masa lou a pointa lut pah ahoih hi- (praise & thanks giving ki hihkhinta hi)

4.5. Thumdan tuamtuan om:

a. Mipi thumkawmna: Thumna a theih di Point te simkhia- mipi thumkawmna (i chindan)

b. Pitu a ginga thum, mipi ginglou a thum: Point te simkhia, tuazoh, point te nounel leh tomkim tak a loua thum-mipite'n ginglou a ana huh..." A hi Toupa" etc. Amen.,etc.

c. A gelthoh sim khawm a thumkawm (Toupa nitak ankuang lui hun etc)

V. BIBLE SIMTU (BIBLE READER)

5.1. A hun tunma a ngenteltak a sim dan kisin, a gennop tak gen kha dia sim, phattuam pih masak ahoih

5.2. Mipite zak kim theih dia Bung leh Tang gen khiak (2/3vei)- mipite hun piak dan theih ding

5.3. A Bung leh Tang sim patna ding mun gen a hun. (..hiai ah I pan dia... huai ah... etc) in mi buaisak thei hi.

5.4. Simzoh hun ah "Toupan hon vualzawl hen" or "Amen" chih a zoh lel ahoih... (gen leh sak hauh louh a hoih. ●●●

MINISTRY REPORT FALL 2017

CHAPLAIN & PRACTICAL

Tutung Fall Semester Toupan hon pi dan tomkim in kong taklang ding.

Day of Challenge nisim 27/7/2017 in kinei hi. Session nih in kikhen a, session masa zinglam dak 10:00 apat ahi a, Sir Thanggoumang Chongloi in makaih hi. Rev. Dr. Luaichinthang in Pathian kiang ah Day latna nei hi. Miss Chingngaihlian in Pathian phatna la siamtak a sa in, Rev. Kamchinkhup, DS, Imphal Div. in Pathian thutak genna nei in challenging nuam kisa mahmah hi.

Session nihna, sun dak 12:30 in kipan a, Madam Khawlbiakching in makaih hi. Rev. K. Kamchinkhup mah in Challenge Hour zang in Pathian thutak in hon hanthawn hi. Sir Lalboi Kilong in Day khakna nei in program nuamtak in kizang zou hi.

BIAKNA KINEIH DAN TANGPI

Niteng zing dak 9:20 in Biakna/Devotion kipan a, Dak 10:10 in kizou zel hi. Biakkhawmna Seppatni (Monday), Nilaini (Wednesday) leh Sintawpni (Friday) teng in Chapel ah Student te leh Faculty/Staff ten ki neikhawm zel hi. Hiai hun te ah thugen ding College a sinsaktu (Lecturer) te banah apualam mi tuamtuan ki chial zel hi. Pathian a dia kitat hiam ding chih tup a kinei ahih dungzui in a kallak lak in final year studentte thugenna piak hizel uhi. Pathian ompihna toh student te leng siamthei mahmah uhi.

Sepnawnni (Tuesday) teng in atuam tuak in Student leh Faculty/Staff ten Devotion/Fellowship kinei gige hi. Hiai hun te ah student ten amau leh amau program kibawl in, huchibang in faculty/staff ten leng pitu ding kiese in hun kizang zel hi.

Cell Group, Group 14 a khen, group khat a mi 13/14 om in Ningani (Thursday) teng in sharing leh thumkhawmna hun kizang hi. Hiai in atop khat leh khat kithumpih ding, salam-khalem ki theihtuahna chih ahi. Ki phattuan pih mahmah hi a theih ahi hi.

MINISTRY TOH KISAI TOMKIM

Ministry sehni in kikhen hi. Weekend Ministry leh Vacation Ministry ahi.

Weekend ministry ahileh Kiginni (Saturday) leh Pathianni (Sunday) in studentte Pathian thu gen in mun tuamtuan ah vak uhi.

Hiai Ministry Hospital, Rehabilitation, Children, Evangelism, leh Prayer Ministry chih te in kikhen hi. Report piak ahihtan in ministry kipai lallel hi.

Vacation Ministry- Hiai Ministry ahileh vacation sung a field exposure nei a student ten mission lungput hon neih ua, missionary tamsem hong pian theihna ding ngimna a kinei zel ahi. Kum tengin Student te vacation ministry in pai zel ua, hoih leh hamphat huai kisa mah mah hi.

Vacation Ministry tungtawn a student ten mission lungsim/lungput leh missionary utna ahon neih zel theihna ding ua panlak kisawm hi. Maban ah College in work plan leh strategy bawl a mission field khat bek a naupangte sawl dei-huai kisa mahmah hi. Hiai dingin pan lak leng kisawm hi. Tukum in Sir Pauthianmuang, leh Dr. Suankhanhau te makaih in final year student te toh Demaji Mission Field vehna summer holiday sung in va kinei hi.

H. PAUTHIANMUANG, LECTURER

Practical Ministry Incharge

GRADUATES

SLN	PROGRAM/DEGREE	TOTAL (AZOU ZAH)
1.	Certificate of Theology	81
2.	Graduate of Theology	73
3.	Diploma of Theology	51
4.	Bachelor of Theology	363
5.	Bachelor of Biblical Studies	1
6.	Master of Divinity	303
7.	Master of Theological Studies	10
8.	Master of Ministry	1
9.	Ministerial Training Course	379
10.	Training Certificate Awarded	11
		TOTAL: 1,273

MEMBERSHIP

SLN	MEMBERSHIP/AMOUNT	TOTAL
1.	Special Patron (Rs. 10,000/-)	152
2.	Group Patron (Rs. 5,000/-)	101
3.	Individual Patron (Rs. 2,000/-)	1,429
4.	Life Member (Rs. 1,000/-)	601
5.	Memorial/Anniv.Gift (Rs. 500/-)	375
6.	Annual Member (Rs. 100/-)	34
		TOTAL: 2,692



CHAPEL
Extension & Renovation

ANNUAL SPORTS FALL 2017 REPORT

-LALBOI KILONG, FACULTY INCHARGE FOR SPORTS

Annual Sports Report tomkim pethei a ka om man in Pathian min ka phat hi. Tukum Sports Sept. 27-29, 2017 sung "Believe and achieve" chih thupi zang in nuamtak in kizang hi.

NI KHATNI (27TH SEPT. 2017)

Opening ceremony zinglam dak in akipan hi. Special Guest Upa Lianminthang SAI Imphal Centre leh Miss Ningmuanching Guest Artist in kichial hi. Exhibition match masapen Faculty/Staff leh Graduating Students ten volley ball kimawlna kinei in Student ten zou uhi.

Opening Ceremony zoh in Mimal (individual) High Jump (numei/pasal), Long Jump (numei/pasal), shot put (numei/pasal), Needle race (numei), in and out jump (numei/pasal) leh Group ah Water filling (mix), Sepak Takraw (pasal), Volley Ball (numei/pasal) te saizui ngal in semi-final tan kizou hi.

NI NIHNI (28TH SEPT. 2017)

Zing baihtak in Ebenezer Academy campus ah Basket Ball (semi final numei/pasal) ki kimawl in sun in Nghathal ground ah 100m race (numei/pasal); 200m race (numei/pasal); Relay race (mix), Dragon race (numei/pasal); Throwball (numei); Continental Bomb (mix); Six legged race (numei) leh foot-ball (pasal), a kigawm in items 9 kisai hi.

NI THUMNI (29TH SEPT. 2017)

Hiani inleng zing annekma in Basket Ball final (numei/pasal) kizou a, sun in ZBA Hall ah Badminton double (pasal) leh Sepak Takraw final kinei nawn hi. Sunnung in campus ah Solo competition; Extempore Speech; Debate; Air Gun shooting competition (faculty/staff); Volleyball final (numei/pasal) leh nitaklam in item nanung pen Volley Ball (pasal) final match ki conduct in closing ceremony ki nei ngal hi. Principal in thugenna nei in Annual sports 2017 nuam leh manphatak in ki zang zou hi.

KIPAHMAN HAWMKHIAKNA (2ND OCT. 2017)

October 2, 2017, Gandhi Jayanti ni in mass social work day leh sports sunga kitaitehna tuamtuam te prize hawmkhiakna kinei hi.

Programme toh kisai chiamteh tham khenkhat te:

Rev. Khamvum, Principal in exhortation hun zang in, GBC trio ten la manphatak sa uhi. Programme zat zoh ah in annkuang umkhawmna kinei hi.

Prize toh kisai theihtuakte

1. Mimal (individual) first prize 20 kipe khia. 2nd prize 20 mah kipekhia hi.
2. Group first prize 13, 2nd prize 13 mah kipekhia hi.

Tutung sports Chiamteh tham khenkhatte

1. Faculty leh staff te adin Air Gun (thau kap) kidemna aki omsak hi.
2. Jersey colour (rong) tuamtuam chi 4 kilei, House/Group te kiangah 13pcs chiat kipekhia. Hiai Jersey te kimawlna/kitaitehna a tel tengteng silh dia kibawl ahi. Asilh loute ki disqualified sak hi.

SPORT DEPARTMENT, 2017 MEMBER TE

Lalboi Kilong, Faculty Incharge

Damkhanmuan, Secretary Student Fellowship

Members:

Lalpu Guite

Jelina Mannghaihiang

Ngaithianmuang



MONTH	DATE	DAY	EVENTS
Jan	26	Fri	Republic Day
	29	Mon	Arrival of returning students/Hostel Opens
	30	Tue	Registration of Subjects
	31	Wed	Opening Ceremony
Feb	1-2	Thu-Fri	Day of Challenge
	5	Mon	Commencement of Class
	20	Mon	Zomi Namni
	23	Fri	Last Date for Sub. of Thesis Proposal
March	30	Fri	Good Friday
April	20	Fri	Memory Verse Examination
May	7	Mon	Missionary Day
	10-11	Thu-Fri	Comprehensive Exam
	18	Fri	Last date for Submission of Thesis
	25-31	Fri-Thu	Final Examination
June	1	Fri	Semester Farewell
	4	Mon	Hostel Mess Closes
July	2	Sun	GBC Day
	17	Tue	Last Date of submission of Admission Forms
	18	Wed	Checking & Screening of Applications
	19	Thu	Entrance/Qualifying Exam of New Applications
	20	Fri	Personal Interview of New Applicants
	23	Mon	Hostel Mess Opens
	24	Tue	Last Date of Admission without fine and Registration of Subjects
	25	Wed	Semester Opening & Orientation
	26-27	Thu-Fri	Students Revival Meeting
July/Aug	30-2	Mon-Thu	Commencement of Class
	3	Fri	Fresher's Meet
	15	Wed	Independence Day
	16	Thu	Last date for submission of Thesis Proposal
Sept	26-28	Wed-Fri	College Annual Sport & Prize Distribution
Oct	2	Tue	Mass Social Work
	11-12	Thu-Fri	Comprehensive examination
	26	Fri	Bible Memory Verse Examination
Nov	1	Thu	Kut
	16	Fri	Last Date for submission of Thesis
	26-30	Mon-Fri	Final Examination
Dec	1	Sat	Semester Farewell cum Advent Christmas
	5	Wed	Graduation Day
	10	Mon	Hostel Mess Closes
	11	Tue	Due for Grade Reports

GRACE BIBLE COLLEGE REPORT 2017

Pathian in Grace Bible College hon ompih in tuni chiang a kum 36 tan mel muthei in iomta hi. Sintu naupang kibehlap zel in tulel dinmun ah 176 kipha hi. College tawh kisai in report khenkhat anuai a bang in kon taklang hi:

I. Board of Governors: (2015-2017):

Member 18+Director 3 as Ex-officio. Total= 21 BOG Members

II. Faculty: Teaching Staff= 11 & Non-Teaching= 13. Total= 24

III. GBC Graduates: Tutan a GBC a kipan Graduate omzah 1,273 ahi. (DETAIL PEK 06 AH ETTHEIH)

December 7, 2017 a Graduate thei ding hiaibang ahi:

M. Div.= 08; B. Th= 25; Dip Th= 08.

(MTC Graduate thei dingte October tan a Assignment zoute leh Seminar (Dec. kha a kinei ding a) tel te hiding ahihman in, tu in kithei chian thei nailou hi)

IV. Membership: GBC a member suahtheihna tuamtuan te leh, tuni-tan a inntek leh deihsaktu i neih 2,692 ahi (as of 11 October 2017) (DETAIL PEK 06 AH ETTHEIH)

V. Naupang chawmna: Tunitan a Naupang Chawmna bawl/khateng a Rs. 500 apan atunglam pia mi 327 kiphata hi. Pawlpi/mimal apan Naupangte huhna pia leng tampi om hi. Tunitan in Rs.6,44,505/- kimu a, hiaite ziaik in sintu naupang fee pezoulou tamkhop awnghutu in omthei hi.

VI. Fencing Project: Kum 2015 apan Fencing Project a kinei deihsaktu mimal/pawlpi te panpihna tungtawn in Rs. 38,16,852/- seng in zohkhia hita hi. Pathian kiangah kipahtu i gen hi.

VII. Library Room Extension: Library Hall kidaih zoulou sak ziaik in main building top floor Extension Rs. 27,49,308/- bei in kibawl hi. Tu in naupangte laisimna kidaihzaik tak neih hita. Thupina Pathian i pia hi.

VIII. Faculty Room thak: Faculty room hoihtak, cabin 12 kibawl zou ta hi. Lecturer te'n amau tutna cabin chiat ah fianrial hun/ kisakkholh-na hun thoveng a neihtheih na ding ua gel ahi. Rs.4,20,000/- bei in kibawl zou a, Fall Semester 2017 a zatpat hita hi.

IX. Girls Hostel Extension: Numeite Hostel bawlbeh tuak sa a kumlui a Hezbibah Building tung kisung bawlkhitlough a om, tu financial year Budget a kiguang Rs. 10 lakhs toh bawlsan lel ahi a, i zohkhiaik chiang in lupna 20 bang omthei ding hi. Kumthak a zatman dia lamet ahi.

X. Jelshyam Chapel Extension & Renovation: Sintu naupang kipung-touzel a, tua i zat lel Jelshyam Chapel neu ta ahihman in, Pi Nemsiam leh a Innkuan te'n 15 feet extension leh renovation hon bawlsak uhi. Tu in zohsiang hita a, semester thak ah zat theih non ta ding.

XI. Chapel Seat: Chapel sunga Plastic Chair kizang te, Sing tutna (wooden bench) a khenkhiak poimoh sakna kinei hi. Hiai dingin BOG lemsakna bang in DS/LSD; DS/LND leh DS/Imphal Divn kiangah ngetna kibawl dungzui in amauten Rs. 50,000/-; Rs.1,00,000/- leh Rs. 50,000/- hon pia uhi. Tu in tutna zawn 40 kibawlsak lel hi.

XII. Hostel Bed: Sintu naupang kibehlap toh kiton in Hostel a omte adia lupna (bed) apoimoh laitak in Mr. Pauneihthang leh alawm te'n 'Bunk Bed' (lupna sawng) 10 hon bawlsak uhi. Amaute kipiak zoh na ziaikin Pathian kiang ah kipahtu i gen hi. Lupna luite khenkhiak tuak bangzahhiam omlai ahihman in, athohnuam te'n khat ah Rs.10,000/- piak theih gige hi.

Mailam hun ah i Bible college thumna ah phawk tou zel ni. Thilpiak, thumna leh awlmawhna tamsem toh tualsung saptuam leh mimal mal te'n kithuahpihna khut taklam pia in semkhawmni chi in ka hon ngen hi.

CHINKHENTHANG GUITE
Registrar, GBC

11-10-2017